

Novi roman Vezuva Bašića Baše „ŽIVA LOMAČA“:

Roman koji treba pročitati i upamtiti

Roman „Živa lomača“ je teško štivo za čitanje, ali je to knjiga koju treba imati svako onaj ko je rođen na području Višegrada i svaki Bošnjak radi podsjećanja na zločine koji se nikada ne smiju zaboraviti

Srebrenica je mjesto genocida počinjenog nad Bošnjacima, ali nisu mnogo manje važna podsjećanja na zločine u Višegradu, Foči, Prijedoru, Sanskom Mostu i mnogim drugim mjestima širom naše domovine. Na te događaja moramo se uvijek vraćati i ne dozvoliti da ih veo zaborava prekrije. O tim zločinima moraju se stvarati pisani tragovi, a naše sjećanje ne smije se završiti samo u haškoj sudnici.

Mnogo je priča malih ljudi koje nikada neće biti zapisane. Jednu takvu priču napisao je i u roman pretočio naš novinar i književnik Vezuv Bašić Bašo. Njegov posljednji, trinaesti roman „Živa lomača“ izašao je iz štampe u mjesecu julu ove godine. Izdala ga je izdavačka kuća „Lijepa riječ iz Tuzle“ a štampala ga je štampariji iz Fojnice.

Roman je istinita priča mladog čovjeka, koji se odvažio da zločine iz Višegrada



nazove pravim imenom i pretvori taj događaj u roman sa istinitim likovima navodeći imena i žrtava, ali i zločinaca.

Ovo je prvi pravi roman koji tretira zločine počinjene u Višegradu, a koji nije dokumentarno štivo. Roman predstavlja istinitu ispovijest dječaka koji je tada imao tek 14 godina, a koji je tokom samo nekoliko mjeseci sazrio u pravog i iskusnog muškarca, Bošnjaka. Knjiga počinje sa zločinima počinjenim nad njegovom familijom, ali i drugim Bošnjacima u Drugom svjetskom ratu, a završava se živom lomačom na Bikavcu.

Roman „Živa lomača“ je teško štivo za čitanje, ali je to knjiga koju treba imati svako onaj ko je rođen na području Višegrada i svaki Bošnjak radi podsjećanja na zločine koji se nikada ne smiju zaboraviti.

A. MUJKANOVIĆ

Ova knjiga kao i druge knjige istog autora mogu se naručiti putem e-mail adrese djedbaso@gmail.com ili na telefon (+45) 29721948

